

Ronny Alders, coordinador di Green Education Symposium:

Biblioteca Nacional ta 'trendsetter' den Green Education

ORANJESTAD –E agenda “green” cu Gabinete Mike Eman ta carga, ta haci e organisacion di e Green Education Symposium, no solamente mas facil pero tambe interesante, segun Alders. “Biblioteca Nacional Aruba ta e ‘trendsetter’ den Green Education y ta sostene gobierno cu e vision ‘green.’ A ricibi premio na entre otro, Merca y tambe ta ser pidi pa duna splicacion di kico tur ta haciendo na Aruba cu e hobennan y nan educacion riba temanan ambiental y di ta sostenibel.

Prome Simposio

Biblioteca Nacional Aruba na 2012 a organisa e prome Green Education Symposium (GES) pa mas o menos 2 mil alumno y docente di scolnan secundario den Renaissance Conference Center. E exito tabata asina grandi, cu publico a pidi pa sigui y asina a dicidi pa haci e di dos aña pasa na Westin Resort. Atrobe 2 mil alumno y maestro a atende y keda hopi

satisfecho pa cual e aña aki ta organisa e di tres edicion. Studentenan lo atende entre 4 y 11 di april proximo, sesionnan cu ta bay tuma luga den Cas di Cultura y e tema pa 2014 ta ‘Sustainable Food Supply.’ Pa tal motibo Biblioteca Nacional ta traha hunto cu Santa Rosa y tambe Bureau Innovatie.

Aruba Green Education Symposium

Aruba Green Education Symposium den apenas tres aña a demostra cu esaki ta un simposio educativo internacional cu participacion di oradornan di Merca, Hulanda y Aruba, cada un profesionalnan riba nan tereno. Nan ta comparti e conocimiento cu nan a saca for di estudio haci den diferente topico y escenario. “Nos ta masha contento cu e cooperacion cu nos ta haya internacional. Aruba ta hopi gusta internacionalmente. Nan mes ta acerca nos cu nan kier bin duna lectura na Aruba,” asina Ronny Alders,



coordinador di e comision organisado a duna di conoce.

Structural

Lo ta bon pa organisa e evento aki tur aña. Di e manera

e studentenan cu ta pasa di aña ta keda haya e informacion aki pa yuda nan mes y nan scol. “E mester bira algo structural. E enfoke principal ta keda e alumnonan

di Aruba,” Alders a bisa. E comision ta trahando duro pa bin cu un programa bon hinca den otro cu lo sorprende tur estudiante y participante na e evento. □